



Groupe parlementaire

Här Claude Wiseler
President vun der Deputéiertechamber
19, um Krautmaat
L-1728 Lëtzebuerg

Lëtzebuerg, den 21. Mäerz 2024

Här President,

Sou wéi d'Chambersreglement et virgesäit, bieden ech lech, dës parlamentaresch Fro un d'Madamm Justizminister weiderzeleeden.

Den honorabelen Deputéierten Roy Reding hat am Juni 2022 d' parlamentaresch Fro 6361 zur Formatioun zum Kanneraffekot gestallt a mir wéilten nach e puer Präzisiounen zu den Äntwerte vun der Madamm Minister.

Dowéinst wollte mir der Regierung nach dës Froe stellen:


Zum Ad 1 vun der Aentwert zu der Fro 6361: „ *D’Affekoten déi un der Formatioun zum Kanneraffekot vum Stater Barreau wëllen deelhuele mussen e Bréif un de Bâtonnier riichten an deem si hir Motivatioun detailléiere firwat si Kanneraffekot wëlle ginn. D’Plaze vun der Formatioun si limitéiert fir ee konstruktiven Austausch tëscht de Formateuren an den Affekoten z’erméiglechen. D’Aschreiwunge fir d’Formatioun ginn zougemaach esoubal de Maximum vu Participanten sech ageschriwwen huet.*“

1. Wat passéiert mat deenen Affekoten, déi net geholl ginn si fir d' Formatioun? Kommen déi op eng Waardelëscht fir déi nächst Formatioun? Wa jo, ass déi Lëscht ëffentlech respektiv hunn d' Affekoten Zougang zu der Lëscht?
2. Wéi vill Affekote ginn all Joer ofgeleent respektiv wéi laang ass d' Waardelëscht par Rapport zu der Unzuel vun den Affekoten, déi d' Formatioun duerchlafen an engem Joer?
3. Denkt dir driwwer no Mesuren ze huelen fir d'Waardelëscht ze reduzéieren?
4. Kann de Bâtonnier op Basis vum Motivatiounsbréif en Affekot ofleene respektiv aner Affekote virzéien. A wa jo, wat waren d' Grënn an der Vergaangenheet fir dat ze maachen?
5. Sinn d' Prozedure en Detail ëffentlech gemaach ginn? A wa jo, kéint Dir eis déi bei Aer Äntwert derbäi leeën?

Zum Ad 2: “Am zweete Joer bitt de Barreau eng „journée de formation « follow-up »” vun 8 Stonnen un. An dëser Optrëschungsformatioun ginn d'Kanneraffekoten iwwert Aktualitéitssujete forméiert an Atelierer mat erfuerenen Affekote ginn organiséiert. E Kanneraffekot muss un dëser Optrëschungsformatioun deelhuele wann en op der Lëscht vun de Kanneraffekoten ageschriwwen wëll bleiwen.”

6. Ass déi „journée de formation follow-up“ vun 8 Stonnen nëmmen obligatoresch fir dat zweet Joer ofzeschléissen oder muss e Kanneraffekot all Joers esou en Dag matmaachen fir op der Lëscht kennen ze bléiwen?
7. Zum Ad 6: “Falls de Riichter een Affekot fir e Mannerjärege bestëmmt, da steet et och dem Riichter fräi een Affekot ze wielen, deen d’Formatioun zum Kanneraffekot ofgeschloss huet oder net. De Barreau stellt de Riichter eng Lëscht zur Verfügung wou all d’Kanneraffekoten agedroe sinn mat den Domainen an deenen si spezifesch exerzieren (Familljerecht, Stofrecht fir Mannerjärege, Jugendschutz) an och hire jeeweilege Sproochkenntnisser.”
8. A wat fir Fäll sicht de Riichter de Kanner de Kanneraffekot eraus? Ass dat konform mam Gesetz, dat, no gängeger Interpretatioun, nëmmen dem Kand oder den Elteren d’ Recht gëtt en Affekot ze wielen? Misst de Mannerjärege selwer oder seng Elteren/Erzéingsberechtigteg dowéinst net och hiren Accord zu där Wiel ginn?

Mat déiwem Respekt,



Tom Weidig

Deputéierten



Fernand Kartheiser

Deputéierten